

480 oasseváldi ja badjel 50 lágideami: Lávdan Sámi Arena lea lihkostuvvan

Badjel 480 oassálasti ledje čoahtkanan vuosttaš Lávdan Sámi Arena doaluide, ja badjel 50 lágideami lágiduvvojedje Lávdan, KulturSápmi ja DutkanSápmi-Dieđavahkku oktavuodas. Vahkku lei ollu oahppan ja oktavuodaid nannen rastá surggiid ja riikkarájáid, mii lea čájehuvvon leat lihkostuvvan ja dárbbaslaš deaivvadanbáikin.



Govva: Sámiráđđi/ Piera Heaika Muotka

"Lávdan mearkkaša leahkit čoahtkis, muhto duvdit ollu suodjaluvvon guovllu, ja gos ieš beasat ollašuhttit iežat dárbbuid. Dat lea vuoigna mii lea leamaš dán vahkus, iešguđetlágan doalut leat leamaš miehtá Guovdageainnu," lohká Sámiráđđi presideanta Per Olof Nutti.

Badjel 50 lágideami leat lágiduvvon, lassin KulturSápmái ja DutkanSápmi-Dieđavahkkui maid iešguđetlágan organisašuvnnat ja ásašusat leat lágidan. Lávdan Sámi Arena čohkkii 24 ovttasbargoguoimmi doallat

sešuvnnaid, panelaságastallamiid ja digaštallamiid. Sin buvttuin leat dehálaš fáttát nugo dearvvašvuhta, sohka bealli, eamiálbmogiid vuoigatvuodát ja sihkarvuhta válđojuvvon ovdan Lávdan Sámi Arenas. Lea maid dái leamaš viiddis kulturprográmma mii lea čájehan iešguđet guovlluid sámi kulturovdanbuktimiid.

Erenoamážit giitit Sámi Allaskuvlla ovttasbarggu ovddas DutkanSápmi-Dieđavahkuin, ja Beaivváža gii lea leamaš guossoheaddji dán jagáš KulturSápmi doaluid.

“Áŋgiruššan maid oassálastit leat čájehan, čájeha ahte dárbbasuvvojit deaivadanbáikkit gos sámi servodat sáhtta deaivadit rastá gielddaid ja riikkarájjaid. Áššit mat váikkuhit ovttá sektuvrii leat dájvja eará sektuvrrain maid, dahje riikkarájjaid eará bealde. Lávdan Sámi Arena lea leamaš báiki gos sáhttet ságastallat ja digaštallat mat njeaidet dáid rájjaid,” loahpaha Nutti.



Govat: Sámiráđđi/ Piera Heaika Muotka

Lassedieđut:

Åsa Larsson Blind, +46 702 543 356